

53. Sankt Peter mit den Landsknechten. (Urtext.)

- Neun armer Landsknecht zogen auß
 Vnd garteten von hauß zu hauß,
 Dieweil kein Krieg im Lande was.
 Eins morgens, da trug sie jr straf
 5 Hinauff biß für das Himel Thor,
 Da klopfsten sie auch an daruor,
 Wolten auch in dem Himel garten.
 Sanct Peter thet der pforten warten;
 Als er die Landsknecht daruor sach,
 10 Wie bald er zu dem Herren sprach:
 „Herr, draussen steht ein arme rott,
 Laß sie herein, es thut jn not;
 Sie wolten geren hinnen garten.“
 Der Herr sprach: „Laß sie lenger
 warten!“
 15 Als nun die Landsknecht musten harten,
 Siengens an, zu fluchen vnd scharren:
 Marter, Leiden vnd Sakrament.
 Sanct Peter diser fluch nit kendet,
 Meint, sie redten von geistling dingen,
 20 Gedacht in Himel sie zu bringen
 Vnd sprach: „O lieber Herrre mein,
 Ich bitte dich, laß sie herein,
 Nie frümmer Leuth hab ich gesehen!“
 Da thet der Herr hinwider jehen:
 25 „O Petre, du kenst jr nit recht;
 Ich sich wol, das es sind Landsknecht,
 Solten wol mit mutwilling sachen
 Den Himel vns zu enge machen.“
 Sanct Peter, der bat aber mehr:
 30 „Herr, laß sie herein durch dein
 ehr!“
 Der Herr sprach: „Du magst lassen
 rein!
 Du mußt mit jn behangen sein;
 Schaw, wie dus wieder bringst hinauß!“
 Sanct Peter war fro vberauß
 35 Vnd ließ die frommen Landsknecht
 ein.
 Bald sie in Himel kamen nein,
 Variens herumb bey aller Welt;
- Vnd bald sie zjam brachten das Gelt,
 Knodten sie zjamen auffein plan
 Vnd siengen zu umbschangen an,
 40 Vnd eh ein vierteil stund vergieng,
 Ein Hader sich bei jn aufieng
 Von wegen einer umbeschang;
 So wurden sie entrüstet ganz,
 Zuckten von leder sie allsamen
 45 Vnd hauften da mit krefften zjamen,
 Sagten einander hin vnd wider
 In dem Himel da auf vnd nider.
 Sanct Peter disen straf vernumb,
 Kam, zand die Landsknecht an darumb,
 50 Sprach: „Wolt jr in dem Himel
 palgen,
 Hebt euch hinauß an den liechten Gal-
 gen!“
 Die Landsknecht jn dückisch ansahen
 Vnd theten auff Sanct Peter schlagen,
 Das jn Sanct Peter mußt entlauffen;
 55 Zum Herrn kam mit ächzn vnd schnaufen
 Vnd klagt jm vber die Landsknecht.
 Der Herr sprach: „Dir gschicht nit
 vnrecht;
 Hab ich dir nit gesaget heut,
 60 Laß sie drauß, es sind freche Leut!“
 Sanct Peter sprach: „O Herr, der
 ding
 Verstund ich nit; hilf, das ichs bring
 Hinauß; soll mir ein warnung sein,
 Das ich kein Landsknecht laß herein,
 Weil sie sind so mutwillig Leuth!“
 65 Der Herr sprach: „Ein Engel gebeut,
 Das er ein Trummel nemb zuhand
 Vnd für deß Himels pforten stand
 Vnd einen Verman daruor schlag!“
 Sanct Peter thet nach seiner sag.
 70 Bald der Engel den Verman schlug,
 Loffen die Landsknecht an verzug
 Eylend auß durch das Himelthor,
 Meinten ein Verman wer daruor.